



桂學文庫·廣西歷代文獻集成

潘琦 主編

# 蔣冕集

2

GUANGXI NORMAL UNIVERSITY PRESS  
廣西師範大學出版社



1527031



桂學文庫·廣西歷代文獻集成

潘琦 主編



# 蔣冕集



淮陰師範圖書館 1527031

2


GUANGXI NORMAL UNIVERSITY PRESS  
广西师范大学出版社



·桂林·

# 湘皋集

卷十三至十五



重刻蔣文定公湘臯集卷之十三

清湘後學俞廷舉重編

闔邑紳士

同刊

序

送行人司副唐君仁夫使安南序

安南國在南海諸蕃中風號秉禮者也故朝廷式序之典懷柔之禮特表異之歲時貢獻使至燕饗必以綴諸班行錫賚必爲出諸帑幣隆恩異數蓋將中國之也逮其歸也又特簡行人以賓禮送至其境上而止若曰於吾土無虞云以示博大非徒如宋之所謂

押伴者之云也而行人之當行者其客以輕授乎哉  
乃今得司副唐君仁夫承命以行噫仁夫其亦於是  
而有思也乎前之冊封頒朔使是國者必屬之翰苑  
諫垣以爲崇重然皆必臨其國都以南面其君臣其  
肅將之威凜然自天而下革心革面之機有不動聲  
色者後先相望也而今之所至特止其境上其所臨  
者僅陪臣而已或以此自恕自畫而少殺其英風毅  
氣顧且將覽略其山川景物以資其嘲吟嘯咏曰是  
亦足矣則昔之人固有押伴虜人至於境上日默默  
無所用其意獨時竊詠歌以娛愁思如宋王半山者

其亦果爲君子之所取法乎然吾意是時虜方桀驁  
駸駸乎有易我之勢卽雖發憤而骯髒祗增侮耳無  
能爲者若茲安南者其不爲吾中國之羈縣自漢唐  
以後至於國初自宣德改元至於今日曾幾何年其  
陪臣之來使蓋必慎選於國中而老於事者豈有不  
知此也邪旣曰老於其事而知之今茲至闕必益明  
冠履之分審逆順之勢而絜長度大歸語其王將天  
誘其衷憬然悔禍庶幾復其故初者此其時乎蓋古  
有黃屋左纁而竊號於一隅及以一言寤之去之不  
俟終日者吾是以知之也然則仁夫奚必臨其國都

之爲烈也哉折衝奔走大丈夫胸中自有不可測者也仁夫予鄉人予素高之知其將以功業鳴於時以光於鄉因鄉人之請贈行也故推其大者期之

送同年友黃君時濟副憲雲南序

今年春予同年進士之仕於朝出吏部推擇被命而陞者六人其在兩京則左通政及太僕少卿各一人其在諸藩臬則左參政一人副使三人三人中秦之黃君時濟其一也先後不出一月之間拜稽闕廷躬受丕顯休命班行皆屬目交語以爲吾同年一時遭際之盛而吾諸同年亦竊自慶幸謂爲前此所無也旣次第往賀之矣而於其行者又殷勤候問倍常而加之意乃四月廿又七日釀而餞之於城東黃都尉之別第且謂翰林春坊文字其職也不可無言以識

其別言以齒序予當有言以贈時濟不敢以不文辭  
因竊追念吾同進之士三百五十人皆先皇帝所親  
擢以遺皇上今日之用者自丁未至今歷十有八年  
譬之木焉歲月漸久雨露之培養益深則雖拱把之  
微亦可以馴至於合抱之大矣作室者欲由是而求  
之以爲他日梁棟之資其孰能舍合抱之大而別取  
諸拱把之微者哉故夫今日之爲藩爲臬與夫貳通  
政亞太僕者則固他日六部都臺之選也然則吾榜  
之士能不彈冠相慶於群公彙升之日乎若時濟者  
固前所云木之合抱者也作室者欲求梁棟於吾榜

豈能舍時濟於他日哉且方時濟之未爲臬司副使  
也不嘗爲御史乎人固預知其有臬司副使之擢也  
其未爲御史也不嘗令修武乎人固預知其有御史  
之擢也前日旣可以逆知今日之所至則今日獨  
不可以逆知其他日之所至乎然則吾同年中今日  
之爲藩爲臬而他日之可臺可部者不於時濟而有  
望哉時濟他日果爾部焉臺焉其能與諸同年齊驅  
爭先建功立業以垂名竹帛如宋王子明寇平仲之  
爲太平興國中同年蘇子瞻子由曾子固之爲嘉祐  
中同年耶抑將求以過之邪此則又在時濟自力非

湘泉集 卷之三

人之所能逆知也古人不云乎顧力行何如耳時濟  
爲副使當之雲南雲南藩臬中有爲吾同年而他日  
之可臺可部者其亦以是語之

數行

送學士張公歸河東省母序

聖天子優禮文學侍從之臣殊恩異數徃徃特出常典之外今年翰林侍讀毛君維之省其父母歸東萊旣而學士張公文卿省其母太夫人歸河東皆以章上請皆不踈踰晷卽賜俞旨迄無他司覆驗之稽且特令有司給車馬續廩餼自京師以達於其鄉皆前此所無者而張公之地望尤崇縉紳士夫尤莫不交口相慶以爲儒臣之榮遇於是公之鄉人謂公茲行誠不可無言以張之推鄉進士李昉來屬予序夫學士之官昔之君天下者猶恨不得爲之非以其清要

貴重乎夫以清要貴重之官而輟清燕之班歸其故鄉則雖山川草木亦當輝輝動色而况壽母在堂醅顏綠髻黮然一粲於會合拜慶之餘顧瞻賜衣賜帶於公之身真若自天而下爲人子而得榮其親也如此爲人父母而得其子之致榮於我也如此天下之樂向有加於此哉昔漢毛義得一安陽令府檄至門以爲母之在堂也捧之而入喜動顏色况公今日之所得者又有什伯千萬於此者乎就公言之公數年前不嘗假使事便道歸覲太夫人於其鄉乎公當時其官尙侍講也清要貴重亦有如今日之地望乎所

得於吾聖天子者其恩數亦有如今日之殊異者乎  
以今日之所得視數年前之所得旣殊且異則此數  
年後之所得視今日尤爲殊且異者不亦可推而知  
乎然則公今日之歸可遽以其所已得者爲足以榮  
且樂於其親而顧久昵於其私哉況經幄宮廬之直  
皆公素所有事未可以一日離焉者也綵侍之餘太  
夫人未必無移忠之訓而公素所迎養之志以余覘  
之亦未必不遂於茲行也他日地望益崇致朝廷之  
恩數益殊且異其所得果將有出於今日者不尤足  
以致其榮且樂於太夫人也哉聞之永樂中諸學士

命婦入覲中宮惟金文靖公以母行宴賚優厚加有  
冠服之賜今聖天子崇儒右文旣同符於先朝萬一  
舉令典而行之則宴賚冠服之錫太夫人如文靖之  
母之在當時者將必有日矣予雖陋尙能爲公賦之

夏江別意圖詩序

憲副吳公禹鄰始以進士上第選屬秋官持廉秉介  
清譽藉然未幾由尚書正郎晉副湖臬奉勅提督湖  
廣等處屯田蚤夜憂勤求所以足國而裕民者在任  
數年凡其所隸窮山深谷蠻烟瘴雨之鄉足跡皆遍  
由是沴氣侵而末疾生遂欣然求解其任以去公之  
先世居杭而自先大父以來徙居於燕公旣去任將  
由鄂趨杭又將由杭趨燕而太夫人春秋高方板輿  
在宦邸南北相去何啻數千百里故公北至於汙而  
心樂之遂有終焉之志蓋君子之去其鄉而仕也或

可歸焉而歸或可留焉而留去來容與何適何莫亦  
奚必拘拘然留吝戀着而後爲可也醉翁吉產也北  
仕京雒而遂遷居於潁東坡眉產也南歸瓊崖而遂  
卜築於常古今人所見略同類如此荆湖山水甲天  
下而沔爲其奧區公之所居尤稱奇勝某水某邱可  
遊可釣顧有平生舊游所不能及者公雖欲不樂亦  
惡得而不樂也今夫軒冕珪組之樂造物者於人顧  
不甚靳獨於一邱一壑未嘗輒以畀人然則公之所  
得以此較彼孰寡孰多必有能辨之者矣昔秦太虛  
卧疾汝南其友高符仲携輞川圖示之曰閱此可以